

de Sanidade mediante orde, entre o persoal adscrito á Secretaría Xeral da Consellería de Sanidade.

En consecuencia, en virtude das facultades que me confire o artigo 38 da Lei 1/1983, do 22 de febreiro, reguladora da Xunta e do seu presidente, reformada pola Lei 11/1988, do 20 de outubro, e os artigos 3, 4 e 5 da Orde do 25 de maio de 2005,

DISPOÑO:

Artigo único.-Noméanse as persoas que se relacionan no anexo como membros do Consello Asesor do Sistema Sanitario de Galicia.

Santiago de Compostela, 16 de marzo de 2006.

María José Rubio Vidal
Conselleira de Sanidade

ANEXO

Membros do Consello Asesor do Sistema
Sanitario de Galicia

- a) Presidenta: Berta M^a Uriel Latorre.
- b) Vicepresidente: Fernando Tato Herrero.
- c) Vogais:
 - Arturo Varela Freijanes.
 - M^a del Carmen Méndez Pazos.
 - Manuel Martín García.
 - M^a Reyes Pérez Fernández.
 - Berta Rivera Castiñeira.
 - M^a Rocío Mosquera Álvarez.
 - José Conde Vales.
 - Ángel Carracedo Álvarez.
 - Carmen Navarro Fernández-Balbuena.
 - José-Manuel Freire Campo.
 - Ascensión Cambrón Infante.
 - Ricardo Santolaya Machetti.
 - José García Buitrón.
- d) Secretaria permanente: Pilar Santamaría Ayaso.

III. OUTRAS DISPOSICIÓNS

VICEPRESIDENCIA DA IGUALDADE E DO BENESTAR

Orde do 13 de marzo de 2006 pola que se establecen as bases que rexen as axudas a mozos e mozas para a realización de cursos de idiomas en calquera dos estados membros da Unión Europea e se procede á súa convocatoria.

O Estatuto de autonomía de Galicia establece no seu artigo 27 parágrafos 22º, 23º e 24º que lle corresponde a Comunidade Autónoma de Galicia a competencia exclusiva nas materias de promoción do deporte e a axeitada utilización do lecer, asistencia

social, así como a promoción do desenvolvemento comunitario, aplicándose entre outros ao ámbito da xuventude.

Así mesmo, polo Decreto 285/1989, do 16 de decembro, asúmense as funcións e servizos transferidos pola Administración do Estado á Comunidade Autónoma de Galicia en materia de promoción socio-cultural, no ámbito de xuventude e desenvolvemento comunitario.

Coa aprobación do Decreto 211/2005, do 3 de agosto, polo que se estableceu a estrutura orgánica da Xunta de Galicia e co Decreto 232/2005, do 11 de agosto, a dos seus departamentos, establecendo no seu artigo 1º a estrutura básica da Vicepresidencia da Igualdade e do Benestar, que conta coa Secretaría Xeral do Benestar á que corresponde o exercicio das competencias e funcións en materia de xuventude, a través da Dirección Xeral de Xuventude e Solidariedade, desenvolvido polo Decreto 517/2005, do 6 de outubro.

A Vicepresidencia da Igualdade e do Benestar, como órgano da Administración autonómica responsable do exercicio das competencias e funcións en materia de políticas activas de xuventude, entende que para facilitar a formación da xuventude e acadar a súa autonomía persoal, é fundamental promover o coñecemento de idiomas dos países da Unión Europea, por ser este ámbito xeográfico unha ampliación da nosa sociedade e, polo tanto, unha ampliación das posibilidades onde acadar a integración e a autonomía persoal da nosa xuventude.

Así mesmo, a formación en idiomas estranxeiros configúrase como un obxectivo instrumental que dota de operatividade a función de fomento e promoción de intercambios e mobilidade de mozos e mozas con países estranxeiros. Reducir os obstáculos lingüísticos e culturais facilita a mobilidade dos cidadáns da Unión Europea promovendo deste xeito o concepto de cidadanía europea e o dunha Europa política.

A Consellería de Educación e Ordenación Universitaria convoca anualmente unha liña de subvencións similares co obxecto desta orde, dirixida aos estudantes que estean matriculados nalgún centro universitario. Para cubrir o colectivo da xuventude que non cumpre este requisito excluínte, a Vicepresidencia da Igualdade e do Benestar entende que para darlles igualdade de oportunidade a todos os mozos e mozas, os destinatarios desta orde de subvencións deben ser aqueles que non estean matriculados nun centro universitario.

Esta convocatoria axústase ao disposto no artigo 78 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, na súa redacción dada pola Lei 14/2004, do 29 de decembro, de medidas tributarias e de réxime administrativo, e no Decreto 287/2000, do 21 de novembro, que

o desenvolve e, en concreto, no relativo aos principios de obxectividade, concorrencia e publicidade na concesión das axudas e subvencións e no establecido na Lei 7/2005, de orzamentos xerais da Comunidade Autónoma de Galicia para o ano 2006 así como ás disposicións aplicables da Lei 38/2003, do 17 de novembro, xeral de subvencións.

Por todo isto

DISPOÑO:

Artigo 1º.-Obxecto.

Esta disposición ten por obxecto establecer as bases para regular a concesión de axudas para os mozos e mozas que, reunindo os requisitos e condicións establecidos nesta orde, realicen un curso de idiomas nun Estado membro da Unión Europea, e proceder á súa convocatoria para o ano 2006.

Artigo 2º.-Orzamento.

A Vicepresidencia da Igualdade e do Benestar financiará as anteditas axudas con cargo á partida orzamentaria 05.32.355B.480.0, dos orzamentos xerais da Comunidade Autónoma galega para o ano 2006, cunha contía de 90.000 euros.

Artigo 3º.-Destinatarios.

Poderán solicitar as axudas todas as persoas físicas que reúnan os seguintes requisitos:

- a) Ter entre 18 e 30 anos ao remate do prazo de presentación de solicitudes.
- b) Ter fixada a súa residencia en Galicia.
- c) Realizar un curso de idiomas en calquera dos estados membros da Unión Europea, cunha duración igual ou superior a tres semanas e cun mínimo de 15 horas lectivas por semana, no período comprendido, única e exclusivamente, entre o 1 de xuño e o 31 de outubro de 2006.
- d) Non estar matriculado no curso académico 2005/2006 en ningún centro universitario. Poden solicitar axudas as persoas que xa teñan finalizados os seus estudos universitarios.

Artigo 4º.-Solicitudes e documentación.

1. As solicitudes, debidamente asinadas polo solicitante e segundo o modelo oficial que figura no anexo I desta orde, presentaranse no rexistro da Vicepresidencia da Igualdade e do Benestar (edificio administrativo San Caetano, s/n, código postal 15781, en Santiago de Compostela); ou ben por calquera dos medios previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, para a presentación de instancias. Se a solicitude se remite por correo, presentase en sobre aberto para que sexa datada e selada polo funcionario de correos antes de certificarla.

2. O prazo de presentación de solicitudes será dun mes contado a partir do seguinte ao da publicación desta orde no *Diario Oficial de Galicia*.

3. Deberá acompañar á solicitude a seguinte documentación:

- a) Fotocopia do DNI do solicitante.
- b) Orixinal ou copia compulsada do programa do curso no que constará a súa duración en semanas, o número de horas lectivas por semana, así como o centro e Estado membro da Unión Europea no que se desenvolverá.
- c) Xustificación de ingresos da unidade familiar (anexo II).
- d) Certificado de empadramento da unidade familiar.
- e) Certificado de ser membro dunha asociación xuvenil, inscrita no censo de entidades xuvenís da Dirección Xeral de Xuventude e Solidariedade, de ser o caso.
- f) Fotocopia compulsada do libro de familia numerosa, de ser o caso.
- g) Declaración responsable do solicitante conforme non percibe ningún outro tipo de bolsa ou axuda de ningunha outra entidade pública para cursos similares aos que son obxecto desta orde.

h) Declaración responsable de non estar matriculado en ningún centro universitario, galego ou de fóra de Galicia, no curso académico 2005/2006.

i) Documento orixinal, facilitado pola entidade bancaria, acreditativo da existencia dunha conta bancaria aberta a nome do beneficiario, no cal conste o código da conta do cliente comprensivo dos códigos que identifican o banco ou caixa, a oficina, o dígito de control e o número de conta.

4. Se a solicitude non reúne os requisitos ou a documentación sinalada, requirirase o interesado para que, nun prazo de dez días, emende a falta ou presente os documentos preceptivos. De non facelo, terase por desistido da súa petición, segundo o disposto no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 5º.-Criterios de avaliación.

1. Os criterios de avaliación que se terán en conta para conceder estas axudas serán os seguintes:

- Maior duración do curso en horas lectivas por semana (ata 20 puntos).
- Maior duración do curso en semanas (ata 20 puntos).
- Menores ingresos familiares en renda per cápita (ata 40 puntos).
- Pertencer a unha asociación xuvenil inscrita no censo de entidades xuvenís dependente da Dirección Xeral de Xuventude e Solidariedade (10 puntos).
- Ser membro de familia numerosa (10 puntos).

2. Todas estas circunstancias valoraranse unicamente no caso de que da documentación que figura no expediente se poida deducir claramente o seu

contido, en virtude de certificacións orixinais ou copias compulsadas delas. En caso contrario, non se terán en conta de cara á adxudicación da contía destas axudas.

Artigo 6º.-Contía das axudas.

1. A contía mínima que se concederá será 750 euros e non superará en ningún caso os 1.500 euros.

2. A contía de cada unha das axudas destinarase a sufragar parte dos gastos derivados do desprazamento, matrícula, mantenza ou aloxamento no Estado concreto no que se desenvolva o curso, e virá determinada pola aplicación a cada caso do baremo establecido no artigo anterior, distribuíndose en todo caso ata o límite da consignación orzamentaria desta orde.

3. Estas axudas son incompatibles co aproveitamento de calquera outro tipo de axudas ou bolsas de institucións públicas destinadas a actividades similares.

4. O importe da axuda regulada terá que ser de tal contía que, en ningún caso supere o custo da actividade que desenvolverá o beneficiario ou, se de ser o caso, a porcentaxe máxima do investimento subvencionable que legalmente se estableza.

Artigo 7º.-Comisión de avaliación.

A selección de beneficiarios será realizada por unha comisión de avaliación integrada por:

A subdirectora xeral de Programas, que actuará de presidenta.

A xefa de servizo de Programas.

A xefa de servizo de Xestión e Coordinación Administrativa.

O/A xefe/a de sección de Instalacións Xuvenís e Xestión Económica.

Actuará como secretario/a un/ha funcionario/a da Dirección Xeral de Xuventude e Solidariedade.

Se por calquera causa, no momento en que a comisión de avaliación teña que examinar as solicitudes, algún dos compoñentes non puidesen asistir, será substituído pola persoa que para o efecto se nomee.

Artigo 8º.-Tramitación e resolución.

1. Unha vez avaliadas todas as solicitudes, a comisión elaborará unha proposta de resolución en virtude da puntuación alcanzada pola aplicación do baremo, así como unha lista de reserva, que seguirá a mesma orde e na que figurarán os solicitantes que cumprindo os requisitos exixidos na convocatoria, non acadaron un número de orde que lles permita ser beneficiarios da axuda.

2. A proposta será elevada pola comisión de avaliación ao director xeral de Xuventude e Solidariedade que resolverá por delegación do vicepresidente da Igualdade e do Benestar.

3. No suposto de producirse algunha renuncia ou baixa, e tendo en conta o remanente de crédito, procederase, como data límite ata o 30 de setembro, a adxudicarlles a axuda a aqueles solicitantes que figuren na lista de reserva e pola orde que nela aparecen, sempre que a duración do curso solicitado permita a súa realización no período sinalado no artigo 3º.

4. A resolución da solicitude de subvención será lles notificada a todos os solicitantes, no prazo máximo de catro meses, contados desde o día seguinte ao da publicación desta orde no *Diario Oficial de Galicia*. Transcorrido o dito prazo sen que recaia resolución expresa, deberá entenderse desestimada a petición correspondente. Esta resolución esgota a vía administrativa e contra ela poderá interpoñerse o recurso potestativo de reposición ante o mesmo órgano que resolveu, no prazo dun mes, na forma e condicións que determina a Lei 30/1992, do 26 de novembro, de réxime xurídico das administracións públicas e do procedemento administrativo común, ou ser impugnadas directamente ante a xurisdición contencioso-administrativa, no prazo de dous meses contados a partir do día seguinte ao da notificación da resolución, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

5. Os solicitantes aos que non se lles concedese a subvención disporán dun prazo dun mes, contado a partir da comunicación da resolución, para retiraren a documentación presentada. Transcorrido este prazo, esta arquivarase. Non obstante, quedan excluídos os solicitantes que figuren na lista de reserva, que non poderán retirala ata transcorrida a data límite para poder substituír os beneficiarios que presenten renuncia.

Artigo 9º.-Pagamento.

1. Unha vez concedida a subvención e notificada a resolución, a Dirección Xeral de Xuventude e Solidariedade poderá efectuar proposta de pagamento anticipado dun 80% sobre a subvención concedida, a petición do beneficiario. Para efectuar o pagamento anticipado, é imprescindible presentar xustificante do pagamento da matrícula do curso, a través de factura orixinal ou fotocopia compulsada desta, así como documentación que acredite o período de realización do curso.

2. O pagamento do segundo prazo da cantidade adxudicada efectuarase unha vez realizada a actividade subvencionada e xustificada conforme o artigo seguinte.

3. En calquera caso, o aboamento destes anticipos e pagamentos suxeitarase ao disposto no artigo 16 do Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia.

Artigo 10º.-Xustificación da axuda.

1. O período que se establece para xustificar estas axudas abarcará ata o 15 de novembro de 2006 inclusive.

2. Os beneficiarios presentarán para xustificar a axuda:

a) Certificado emitido polo centro de idiomas no que constará a efectiva realización do curso así como o período no que se desenvolveu e o número de horas lectivas por semana.

b) Facturas orixinais ou fotocopias compulsadas dos gastos derivados da realización do curso (matrícula, desprazamento, manutención ou aloxamento), ata a contía total da axuda concedida.

3. Así mesmo, deberán presentar, no momento da xustificación da execución total da actividade subvencionada e, en calquera caso, antes do derradeiro pagamento, unha declaración complementaria de non ter percibido outras axudas para a mesma actividade, das administracións públicas competentes ou calquera dos seus organismos, entes ou sociedades.

Artigo 11º.-Obrigas do beneficiario.

1. Empregar a axuda recibida en sufragar os gastos inherentes á realización do curso de idiomas solicitado.

2. Xustificar os gastos incorridos na matrícula, desprazamento e estadía no país onde realice o curso, así como o aproveitamento do curso do xeito especificado no artigo 10º desta orde.

3. Estar sometido ás actuacións de comprobación que efectuará a Dirección Xeral de Xuventude e Solidariedade, e ás de control financeiro que corresponden á Intervención Xeral da Comunidade Autónoma en relación coa axuda concedida, e ás previstas na lexislación do Tribunal de Contas e do Consello de Contas.

Artigo 12º.-Reintegro ou modificación da subvención.

1. Procederá o reintegro nos termos e supostos previstos no artigo 78.10º da Lei de réxime financeiro e orzamentario, en redacción dada pola Lei 14/2004, do 29 de decembro, de medidas tributarias e de réxime administrativo, e nos artigos 19 e 20 do Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia, nos casos seguintes:

Incumprimento da obriga de xustificación.

Obtención da subvención sen reunir os requisitos exixidos para a súa concesión.

O incumprimento da finalidade para o que foi concedida a subvención.

Incumprimento das condicións impostas aos beneficiarios con motivo da concesión da axuda ou subvención pública.

2. Toda alteración das condicións tidas en conta para a concesión da subvención e, en todo caso, a obtención doutras subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución da axuda.

Artigo 13º.-Renuncias.

Se por calquera circunstancia o beneficiario non puidese realizar o curso de idiomas, deberá presentar unha renuncia á subvención concedida.

Os destinatarios das axudas que renunciem a ela poderán ser substituídos pola Dirección Xeral de Xuventude e Solidariedade de acordo coa lista de reserva prevista no artigo 8º desta orde.

Disposicións adicionais

Primeira.-Apróbase a delegación de atribucións do vicepresidente da Igualdade e do Benestar no director xeral de Xuventude e Solidariedade, para resolver a concesión, denegación, modificación ou outras incidencias das axudas previstas nesta orde, así como para autorizar e dispoñer os gastos, o recoñecemento das obrigas e a proposta de pagamento, en relación co disposto no artigo 73 a) do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia.

Segunda.-En todo caso, a concesión das axudas terá como límite global a cantidade consignada na correspondente aplicación orzamentaria para o ano 2006.

Terceira.-Os beneficiarios destas axudas quedan suxeitos ao réxime de infraccións e sancións previstas para esta materia no texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, na súa redacción dada pola Lei 14/2004, do 29 de decembro, o Decreto 287/2000, do 21 de novembro, e demais normas de procedente aplicación.

Disposicións derradeiras

Primeira.-Facúltase o director xeral de Xuventude e Solidariedade para ditar cantas disposicións sexan precisas en relación con esta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 13 de marzo de 2006.

Anxo Manuel Quintana González
Vicepresidente da Igualdade e do Benestar

ANEXO I



XUNTA DE GALICIA
VICEPRESIDENCIA DA
IGUALDADE E DO BENESTAR

PROCEDEMENTO <i>AXUDAS A PERSOAS FÍSICAS PARA A REALIZACIÓN DE CURSOS DE IDIOMAS EN CALQUERA DOS ESTADOS MEMBROS DA UNIÓN EUROPEA</i>	CÓDIGO DO PROCEDEMENTO VP316A	DOCUMENTO SOLICITUDE
--	---	--------------------------------

DATOS DO SOLICITANTE

APELIDOS	NOME	CIF / NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX

E na súa representación:

APELIDOS	NOME	CIF / NIF	
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX

DOCUMENTACIÓN COMPLEMENTARIA

<input type="checkbox"/> COPIA DO DNI. <input type="checkbox"/> PROGRAMA DO CURSO, A DURACIÓN EN SEMANAS E HORAS POR SEMANA. <input type="checkbox"/> XUSTIFICACIÓN DE INGRESOS DA UNIDADE FAMILIAR (ANEXO II). <input type="checkbox"/> CERTIFICACIÓN DO EMPADROAMENTO DA UNIDADE FAMILIAR. <input type="checkbox"/> CERTIFICADO DE SER MEMBRO DUNHA ASOCIACIÓN XUVENIL. <input type="checkbox"/> FOTOCOPIA COMPULSADA DO LIBRO DE FAMILIA NUMEROSA, SE É O CASO. <input type="checkbox"/> DECLARACIÓN DE NON PERCIBIR OUTRA AXUDA DE NINGUNHA ENTIDADE PÚBLICA PARA CURSOS SIMILARES. <input type="checkbox"/> DECLARACIÓN DE NON ESTAR MATRICULADO EN NINGÚN CENTRO UNIVERSITARIO NO CURSO 2005/2006. <input type="checkbox"/> CERTIFICADO BANCARIO ACREDITATIVO DA CONTA.

ORZAMENTO TOTAL	CANTIDADE SOLICITADA
-----------------	----------------------

LEXISLACIÓN APLICABLE <i>Orde do 13 de marzo de 2006 de pola que se establecen as bases que rexen as axudas a mozos e mozas para a realización de cursos de idiomas en calquera dos estados membros da Unión Europea e se procede á súa convocatoria.</i>
SINATURA DO SOLICITANTE OU PERSOA QUE O REPRESENTA _____ de _____ de 2006

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA / /
REVISADO E CONFORME		DATA DE EFECTOS / /
		DATA DE SAÍDA / /

Director xeral de Xuventude e Solidariedade

ANEXO II

DATOS DOS MEMBROS DA UNIDADE FAMILIAR

APellidos e Nome	PARENTESCO	C.I.F. / N.I.F.
_____	_____	_____
_____	_____	_____
_____	_____	_____
_____	_____	_____
_____	_____	_____
_____	_____	_____
_____	_____	_____
_____	_____	_____

E con motivo da solicitude de axuda para a realización dun curso de idiomas en calquera dos estados membros da Unión Europea, segundo a orde do _____, publicada no DOG do _____.

AUTORIZAN:

A Dirección Xeral de Xuventude e Solidariedade para que, conforme o disposto no artigo 2.4º da orde do Ministerio de Economía e Facenda do 18 de novembro de 1999, solicite da Axencia Estatal de Administración Tributaria e da Consellería de Economía e Facenda a que se refire o artigo 78.4º c) da Lei de réxime financeiro e orzamentario de Galicia, en relación co cumprimento das miñas obrigas estatais e coa Comunidade Autónoma de Galicia.

_____, de _____ de 200__
 Sinatura do solicitante Sinatura dos demais membros da unidade familiar

**CONSELLERÍA DE EDUCACIÓN
E ORDENACIÓN UNIVERSITARIA**

Orde do 24 de febreiro de 2006 pola que se autoriza a apertura e funcionamento do centro privado Arturo de Vigo (Pontevedra) para impartir o ciclo formativo de grao medio de perrucaría.

Examinado o expediente presentado por Susana Pereira Capel, no que solicita a apertura e funcionamento do centro privado Arturo de Vigo para impartir o ciclo formativo de grao medio de perrucaría.

Tendo en conta que o expediente foi tramitado pola Delegación Provincial da Consellería de Educación e Ordenación Universitaria de Pontevedra que o remite cos informes correspondentes.

Vistos a Lei orgánica 1/1990, do 3 de outubro (BOE do 4 de outubro), de ordenación xeral do sistema educativo; a Lei orgánica 10/2002, do 23 de decembro, de calidade da educación (BOE do 24 de decembro); o Real decreto 1537/2003, do 5 de decembro, polo que se establecen os requisitos mínimos dos centros que impartan ensinanzas escolares de réxime xeral (BOE do 10 de decembro); o Real decreto 777/1998 (BOE do 8 de maio) polo que se desenvolven determinados aspectos da ordenación da formación profesional no ámbito do sistema educativo; a Orde do 21 de decembro de 1999 (DOG do 31 de xaneiro de 2000) pola que se regulan determinados aspectos relativos a autorización de centros privados exclusivos de formación profesional espe-

cífica; o Decreto 296/1999 (DOG do 18 de novembro) polo que se desenvolven determinados aspectos dos currículos dos ciclos formativos de formación profesional específica na Comunidade Autónoma de Galicia; o Decreto 133/1995, do 10 de maio (DOG do 22 de maio), sobre autorización de centros docentes privados para impartir ensinanzas de réxime xeral non universitarias e a Orde do 20 de setembro de 1995 (DOG do 15 de decembro) que o desenvolve.

Esta consellería, por proposta da Dirección Xeral de Ordenación e Innovación Educativa,

DISPÓN:

Primeiro.-Autorizar a apertura e funcionamento do centro privado Arturo de Vigo para impartir o ciclo formativo de grao medio de perrucaría, segundo se especifica no anexo desta orde.

Segundo.-Antes da posta en funcionamento das ensinanzas que se autorizan, a Delegación Provincial da Consellería de Educación e Ordenación Universitaria, despois do informe da Inspección Educativa, aprobará expresamente a relación de persoal que impartirá docencia no devandito centro, así como o equipamento adecuado.

Terceiro.-Queda o centro obrigado ao cumprimento da lexislación vixente e a solicitar a oportuna revisión cando teña que modificarse calquera dos datos que sinala esta orde.

Contra esta orde, que esgota a vía administrativa, os interesados poderán interpoñer recurso potesta-